



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1508616

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

17 հունիսի 2020թ.

ք. Երևան
(կազմման վայրը)

Ակտի հասցեատեր

«Նարավ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	6	1	0	8	5	8	5
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Շիրակի մարզ, ք.Արթիկ, Գ.Նժդեհ 3

(անհատ ձեռնարկատիրոջ հաշվառման հասցեն կամ իրավաբանական անձի գրանցվելու վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 06.05.2020թ-ի թիվ 1508616 որոշման համաձայն «Նարավ» ՍՊԸ-ի նկատմամբ իրականացված օպերատիվ հետախուզական միջոցառումների շրջանակներում 25.05.2020թ-ին ժամը 15:30-ի սահմաններում ք.Երևան, Էրեբունի 23 հասցեի մոտակայքում հետազոտության ենթարկվել «Գազել» մակնիշի 32 SO 480 համարանիշի ավտոմեքենան:

Իրականացված հետազոտության արդյունքում պարզվել է, որ նշված ավտոմեքենան պատկանում է Ընկերությանը, իսկ ավտոմեքենայի բեռնախցիկում առկա է 6 հատ UDD 30 SC մակնիշի սառնարաններ:

ՕՀՄ-ի շրջանակներում գրավոր հայտարարություն է ներկայացվել Ընկերության վարորդ Էդգար Զիվարյանի կողմից, որով վերջինս հայտնել է, որ 25.05.2020թ-ին ժամը 15:30-ի սահմաններում ք.Երևան, Արցախի 57 հասցեում գտնվող Ընկերության պահեստից հիշյալ ավտոմեքենա է բարձել 6 հատ UDD 30 SC տեսակի սառնարաններ՝ Գնունի շինանյութի տոնավաճառ տեղափոխելու համար: Միաժամանակ օպերատիվ հետախուզական միջոցառումների շրջանակներում Ընկերության տնօրեն Գյուլնարա Պեպանյանը բանավոր հայտնել է, որ սառնարաններից յուրաքանչյուրի արժեքը կազմում է 180.000 ՀՀ դրամ:

ՀՀ ՊԵԿ տեղեկատվական համակարգի ուսումնասիրությամբ պարզվել է, որ ընդհանուր 1.080.000 ՀՀ դրամ արժողությամբ ապրանքների տեղափոխման համար Ընկերության կողմից 25.05.2020թ-ին ժամը 15:30-ի դրությամբ դուրս չի գրվել համապատասխան հաշվարկային փաստաթուղթ:

Թիվ 1508616 արձանագրությամբ 25.05.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայությունների մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, համաձայն որի՝ Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման կամ ապրանքների հետագծելիության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետագծելիությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում՝ «Նարավ» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 1.080.000 ՀՀ դրամ, որի 50 տոկոսը կազմում է 540.000 ՀՀ դրամ, ուստի օրենսդրական պահանջից ելնելով՝ «Նարավ» ՍՊԸ-ի նկատմամբ կիրառելի 540.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել «Նարավ» ՍՊԸ-ին գանձման առաջադրել 540.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	540.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.



ստորագրությունը

Ստացա ակտի մեկ օրինակը

ընդամենը 3 էջ

տնօրեն Գյուլնարա Պեպանյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտասխանատու անձ՝ հափուկ առաքման դեպքում)

ստորագրությունը

„_____“ 2020թ.